

PRÒVA ORAU- Nivèu B2

Junh de 2023

Lectura: lieg aguest tèxte en votz nauta

Com qu'ère ua mission secreta, recebie aliments e utisi per aire, damb es avions qu'es departaments de cultura deth nòste país li manauen. Eth senhor Ti non s'encuedèc que, d'expedicions aerianes, cada viatge n'i auie mens. Es causes comencèren a anar malaments entàs nòstes fòrces armades. Quan pijor anaue era guèrra, mens atencion dedicaue eth govèrn ara expedicion arqueologica deth professor Timoteus Wander. Eth continuaue, damb fòrça tenacitat, es sues recèrques. Aquerò qu'auie trobat ère, efectivaments, ua «ciutat de mòrts». Quan artenhèc de calar-se-i e retrobar galeries perdudes e lèu-lèu esbauçades, se trobèc es esquelèts d'uns còssi que milèrs d'ans endarrèr auien trabalhat en aqueth endret. Aqueth endret qu'ei ací a on èm ara nosati... Eth professor ja non tornèc mès entà Alemanha. Auíem perdut era guèrra. Es vencedors l'aurien jutjat pera sua activitat politica. Eth comprenec qu'aqueth sepulcre auie moltes possibilitats. Enes darrèrs tempsi s'auien esclarit es camins. Ja sabie s'a on auie arribat. Mès non. Era descobèrta non auie cap de valor arqueologica! Aquerò ère ua ciutat des mòrti en construccion. Un faraon qu'encara non s'a pogut saber se com se didie, entà escapar seguraments des panatòris des hòsses, comencèc a caminar peth desèrt, de cap ací, entath sud, tà cercar un parçan solitari. Triguèc aguest a on èm e decidic installar-i era sua tomba. Ua tomba sosterrana enòrma tada eth, era sua familha e toti es sòns successors. Per açò aguestes naus son tan granes... Eth faraon se'n deuec tornar tàs sòns palais dera arriba deth Nil, e deishèc ací, en desèrt, ues equipes d'esclaus treballant...

Joaquim Carbó, Era casa jos eth sable (traduccion de Xavi Gutiérrez).